

四庫全書

集部

欽定四庫全書

石倉歷代詩選卷一百四十八

明 曹學佺 編

宋詩二十五

陳襄

洛陽曲

有客頓征轡暮宿洛陽堤
洛陽繁華地慨然心傷悲
憶昔季倫家朱門鼎貴時
錦步四十里冠蓋相追隨
寵移

百琲珠醉擊珊瑚枝一旦委溝壑身隨朝露晞綺樓日
顛仆金谷無人歸綠珠千古魂散作香塵飛荒榛塞中
道惟有寒螿啼嗟哉百世後驕奢徒爾為

幽菊

幽菊燕貢士
也因以送之

有幽斯菊濯濯其芳烝爾髦士惟其修兮有美于鄉照
余無以說兮惟醴之觴

有幽斯菊熒熒其華烝爾髦士惟其施兮有顯于家往
余無以將兮惟古之歌

送關都官致仕

鴻鳥于飛送關公也公能以禮致仕惜其有老成
德不衰不養于朝天子不用古禮留之故作是詩
也

鴻鴈于飛歸戾于澤君子于田亦適維則旅力不愆曷
云其極庶民之耄職自為愚君子之耄其德有濡旅力
不愆曷云其劬有堅松柏君子斧之有實秬稷農夫有
之天子有老曷其與歸野有白駒來食我粃君子之往

胡為不留我心悠悠為天子之憂

樓上曲

金徒抱箭寒更起寂寞孤城一千里嫦娥擎出月華來
白玉樓臺瑩如水上有佳人紅粉粧妙年學得吹霓裳
呼兒將出紫玉笛一聲天外流宮商宮商欲盡何幽咽
曲調不成聲斷絕羅衣掩淚愁向天手把瑤華歌一闋
寒蟾出兮明星稀良人阻兮天一涯憑軒遙望兮心傷
悲願隨鴻鵠兮高飛

荔枝歌

番禺地僻嵐煙鎖萬樹纍纍產嘉果漢宮墜落金莖露
秦城散起驪山火炎炎六月朱明天映日僊枝紅欲燃
自古清芬不能遏留得嘉名為堪仙上皇西去楊妃死
巒海迢迢十萬里華清宮闕閒無人南來不見紅塵起
至今榮植徧閩州離離朱寔繁星稠一日為君空變色
千里憑誰速置郵可憐錦幄神仙侶為飲凝漿滌煩暑
綺筵不惜十千錢酹秦樓桂花醑秦樓女子繡羅裳

鳳簫鳴咽流宮商醉歌一曲荔枝香席上少年皆斷腸
古靈山試茶歌

乳源淺淺交寒石松花墮粉愁無色明星玉女跨神雲
關剪輕羅縷殘碧我聞巒山二月春方歸苦霧迷天新
雪飛仙鼠潭邊蘭草齊霧牙吸盡香龍脂轆轤繩細井
花暖香塵散碧瑠璃椀玉川冰骨照人寒瑟瑟祥風滿
眼前紫屏冷落沈水煙山月堂軒金鴨眠麻姑癡煮丹
巒泉不識人間有神仙

遊宜興法藏院觀杜紫菊花

山茶花開菊花紫
青桂童童立花裏
柔姿翠幹已可憐
更傍幽叢看花藥
山僧揖我臨堦坐
眼到欄邊心即喜
便欲攜歸種郡齋
忍令此地風煙埋

此景

晚嶢殘霞斷晴空
宿靄收綠蕪天共遠
明月水同流落
葉填秋望孤碁
答旅愁提壺伴
詩筆獨醉庾公樓

幽齋

幽徑絕塵蹤
莓苔上粉墉
秋聲連夜雨
寒色一溪松
學有書千卷
歡無酒萬鐘
雲屏孤夢斷
寂寞掩巫峯

金華山人

幽居倚翠巒
塵事不相干
天地醉來小
琴瑟靜裏歡
雨苔春徑綠
風竹夜窓寒
若問長生術
金爐有寶丹

和鄭閤中仙居

我愛仙居好
園池日退居
馴禽來鶴鶴
野水進徐徐
草樹通樵採
桑麻有老鋤
猶言民未樂
更待寢刑書

黑崖道中作

陰山沙漠外六月苦行人水迸金蓮曉湯回鐵脚春馬
飢思漢草僕病卧胡塵夜夢京華阻披衣望北辰

水口贈別大吉祖師長老

直向此間明縱橫語論精山中曾出海世上未知名一
雨春溪漲千峯曉雪晴臨分無別說相送水邊行

舟次巴峽

江流何險阻次第入三巴崖斷時無路山深更有家隣

疏饒竹笋鄉果足杞杞况有荊州醞淹留不用嗟

觀海

天柱支南極蓬山壓巨鰲雲崩石道險潮落海門高客
館聞鼉鼓秋風憶蟹螯倚欄望鄉野千里楚江皋

九日與浦城縣學諸生遊南峯院

九日黃花節新樽綠蟻浮投壺鳴魯鼓歌者似商謳諸
子衣冠盛先儒禮樂修西巖山景好為爾作陽秋

送別探得南字

謫宦情牢落窮通理更諳讀書不廢事道古亦何慙昔
喜隣州守嘗陪後乘驂西湖遊未厭北海飲方酣躡屐
扳雲嶠捫蘿訪竹庵驚濤千頃雪驚嶺萬堆藍聲過時
難一睽離歲忽三陪京方接畛歸省會同參士子文宗
愈朝廷禮問盱好留君左右俄領郡東南歲旱錢仍貴
民飢命不堪下車寬賦役露冕訓田蠶畫舸乘春別新
書卜日覃牙旗風發發瑞節虎耽耽龍鳳吳王國煙霞
古佛龕荷香輕泛浦桂子靜飄嵐草澤行吟苦蘭陔奉

養甘子丈無慍色夷甫足清談物外冥天籟樽前據石
楠惟應憐舊尹漁釣負江潭

悼古

碧城樓角重凝眸迤邐平原接古丘七國戰爭人不見
六朝興廢水長流遠煙芳草年年事明月清天夜夜愁
范蠡功成在何處五湖波上一扁舟

春日賞林亭

把酒春亭覽衆芳水精簾箔逗山光孤松冷落千年換

野槿紛華一日香
綠圓煙深迷蛺蝶
曲池波暖睡鴛鴦
文園莫惜驢裘費
買取宜城作醉鄉

寄遠

飛鵲翩翩暮欲棲
楚天新月射璇題
袖中已減三年字
心曲惟通一點犀
步障影迷金谷路
桃花香隔武陵溪
瑤華好折無人寄
腸斷江樓百尺梯

織女

明河清淺曙星稀
一夕歡娛一歲違
不是盈盈隔流水

多應軋軋廢殘機
人間累鵲經秋會
天上奔龍逐曉歸
期約黃姑重相見
伯勞東翥燕西飛

夜意

薰爐香燼蕙煙沈
凜冽寒生翡翠衾
月國音塵千里絕
仙山樓閣五雲深
離懷暗耿金壺漏
獨夢多驚玉女砧
騎省中郎才調逸
擬將文筆賦秋心

和正辭職方以濬河留滯

萬鈿如雲濬禹溝
荀卿橋畔艤行舟
珠璣合照賢人聚

銀漢無波海客留且作東山攜妓樂未應南浦送君愁
辛夷花發春醅熟只俟郊原雨少休

依韻和通判徐郎中毗陵重陽

自愴宮車別帝臺寄言籬菊不須開心喪恐到行春浦
耳病慵攜遲月杯天色陰沈鳴鴈過物華零落暗蛩催
却輸小杜憐嘉節酌酹齊山夜始迴

和通判九月望日始見菊花

月滿霜飛菊始華幽叢冷落帶煙斜籬邊過却重陽酒

澤畔誰憐野草花
湖學先生歸解組
安州司戶老居家
皆因晚節無人用
隕涕臨風為爾嗟

登雄州南門偶書呈知府張皇城

城如銀甕萬兵環
悵望孤城野蓼間
池面綠陰通易水
樓頭青靄見狼山
漁舟掩映江南浦
使驛差池古北關
雅愛六韜名將後
塞垣無事虎貔閒

使還咸熙館道中作

土曠人稀使驛賒
山中殊不類中華
白沙有露駕鵞泊

芳草無情妯娌花
氍毹夜燈眠
漢節石梁秋吹動
胡笳歸來覽照看
顏色斗覺霜毛兩
鬢加

重陽閣下和同舍

君逢佳節憶還家
我亦淹留感歲華
清禁讎書驚白髮
故園吹帽負黃花
謝安行有登山屐
揚子居無載酒車
何日得歸溪上隱
大收圖史作生涯

和程大卿遊鳳池院

白雲深處一軒開
鳳去池空折野梅
山入九龍爭天矯

路盤千騎久徘徊煙嵐翠入樽前滴水石清從澗底來
誰與忘機此棲息笑看林鳥下生臺

東園觀雪

風毛雨絮小園東天幙低垂慘澹空蘋浦萬家雲覆瓦
花溪千樹玉彫籠穿林已奪春梅早夾隴潛滋夏麥豐
湘酌狐衣雖可賦豈無損瘠在溝中

古城

蘆葦蕭疎天氣清水含山色照重城綠蕪何處管絃地

碧落舊時鐘鼓聲
三峽橋邊秋雨過
六鰲宮裏夜潮生
蕭郎秦女無歸約
十二樓臺空月明

和子瞻泂牒京口憶西湖寒食出遊見寄二首
乞得湖山養病身
花時曾共憶行春
鶯鳴幽谷還遷木
感沸清泉復采芹
皂葢尋芳丘有李
綵樓觀戲巷無人
錦河公子歸何晚
獨念溝中菜色民

其二

春陰漠漠燕飛飛
可惜春光與子違
半嶺煙霞紅旆入

滿湖風月畫船歸
綈笙一闋人何在
遼鶴重來事已非
猶憶去年題別處
鳥啼花落客沾衣

和子瞻汧牒京口憶吉祥牡丹見寄

新接枝頭色倍添
馬蹄尋處帽欹簷
春工別與鉛華麗
佛地偏資好相嚴
紅藥欲開丹未渥
素香堪茹雪非甜
詩翁何事辜真賞
不許浮根浪發黏

常州郡齋

史君非是愛山閒
道在盈虛消息間
不見白雲無一事

等閑為雨却歸山

過菴畫溪

五雲無處問新亭月裏乘舟夜半行
不見藤花相掩映
鄉人遙指畫溪名

余自白陽馳謁宜都周夢得長官飲于清江亭
愛其山水之勝留

丹山西去水東流亭在山南隔蓼洲
船繫白楊歸不得
清江如畫主人留

石倉歷代詩選卷一百四十八

欽定四庫全書

石倉歷代詩選卷一百四十九

明 曹學佺 編

宋詩二十六

賀鑄

叢臺歌

按邯鄲縣譜叢臺趙武靈王築起地三百尺今故址猶十仞在縣中東北隅元

豐辛酉七月同邑令濮人杜儼

仲觀登杜先有此詩要余同賦

累土三百尺流火二千年人生物數不相待摧頽故址

秋風前武靈舊壠今安在
禿樹無陰困樵採
玉簫金鏡未銷沈
幾見耕夫到城賣
不見叢臺金盛時
綺羅成市遊春暉
一從凋輦閉荒草
蕭散行雲無復歸
招魂想像風流跡
晴華露蔓猶依稀
登臨弔古將誰語
城郭人民今是非
層簷碧瓦碎平地
夢作鴛鴦相伴飛

彭城三詠

元豐甲子余與彭城張仲謀父東萊冠昌朝元
弼彭城陳師仲傳道臨城王適子立宋城王珪

文舉采徐方陳迹余分得戲馬臺斬蛇澤歌風臺三題
秦蛇已中斷劉項方龍戰叱咤沮風雲睚眦走霆電鴻
溝一畫天地開楚王洗劒東歸來新都形勝控淮泗籠
山絡谷營高臺重瞳登覽何為者不知招賢知戲馬上
如激矢下投九蘭筋霜腕便回盤半夜悲歌騅不逝明
日陰陵行路難騷牝三千歸漢苑粟豆尤聞蠹縣官君
不見華山之陽古坳牧春風吹草年年綠

右戲馬臺歌臺在郡城南

君不聞泗濱昔日有亭長送徒咸陽失收掌澤中置酒
飲相訣吾亦從茲犇芒碭陰風蕭蕭尊者懼前有脩蛇
怒橫路酒酣拔劍肯留行劃斷蜿蜒不回顧河明月出
人踵來彼媼何冤號且哀謂遭赤帝屠吾子語竟莫知
安在哉真人聞此自心許茫茫四海吾其主虎變龍飛
十二年馘項梟英蓋狐鼠半夜雄鉞飛上天幾見長陵
一坏土

右斬蛇澤歌澤在豐縣西二十里

漢祖高風百尺臺十年客土生蒿萊無窮人事水東去
如故地形山四來江淮猶沸鯨鯢血八十一車枉歸轍
白叟逢迎皆故人牢酒歡呼惜將別嶠澠迢遙非我鄉
死生此地烏能忘酒闌鳴筑動雲物青衿兒曹隨抑揚
爾時可無股肱力端思猛士守四方君不聞淮陰就縛
何慷慨解道烏盡良弓藏

右歌風臺詞臺在沛縣郭內

江南曲

遊倡牽杜若別浦鴛鴦落向晚鯉魚風客檣千里泊當
時桃葉是新聲十載長餘隔水情烏衣巷裏人誰在白
鷺洲邊草自生

子規詞

長江靡施山坡陀旅竹荒松蒙蒿蘿蠶初眠起風日暖
梅弄黃時煙雨多山間有徑行逶迤倦客據鞍生睡魔
奈爾思歸啼鳥何子規鳥不如歸去好誰家西北晨高
樓幾為王孫怨芳草子規憐爾解歸飛我獨何心長不

歸十年迹絕蘇門道夢裏舊遊知是非

廣張衡西愁寄李諶

李字智父時
為白馬從事

夜如何其夜未央斗星燦兮河蒼涼明月入牖窺曲房
候蟲刺促鳴我床離憂歎來煎人腸綠琴在薦兮擬楚
奏之沈湘朱弦濕露兮聲戾指而不揚我有所思兮在
河之陽優而不見兮衷難弭忘明璫玉案兮爾不我將
緘誠結惠兮久莫汝償永如牛女兮南北相望西風蕭
颯兮凌百草以殞黃蘭萎芰裂兮恐被服之不芳念汝

王立兮賤組繡之文章玄節日厲兮奈慘慄之冰霜胡
不乘白雲兮歸來乎帝鄉尚何所徯兮畢永歲而彷徨

故鄴

按鄴都記漢建安十二年曹操滅袁氏始大
築鄴當時京兆洛陽南陽許皆大都而鄴為
之長操子丕代漢復定都洛陽自此後僭竊更
據鄴而未始殘破元魏文帝自代而南巡駐
蹕鄴下久之以南望枉人山北接柏人縣非

善地遂去之河南將行挂飯罍于城樓上識者
解之挂飯懸食也豈待玄孫宅此乎至孝靜
帝果為高歡劫遷都鄴齊五主營建宮室
規模壯麗逾前魏周武平齊焚撤畧盡及楊
堅克尉迴遂夸豬之築京觀于葛屨山徙郡治
安陽鄴猶為屬邑熙寧間始廢之戊午九月獨
遊晚歸馬上賦

魏武昔恢圖北平譚尚孽卜鄴築新都非徒為三穴將

行遷鼎志遽有分香訣落日總帷空莫終歌舞闋旋聞
渥洛上載起蒼龍闕四葉不歸東苔花馳道絕食槽識
終驗挂飯期先決擾攘百年間累車尋覆轍山川氣象
變朝市繁華歇白露復青蕪茫茫換時節陰風吹葛屨
燐火走兵血木葉下西陵寒蟲助騷屑

對酒 庚申三月晦淦陽賦

白駒不可駐尺壁非所珍獨挹盈樽酒悲歌送徂春歌
闌酒亦盡回首迹已陳自笑十年仕尚迷沮溺津豈無

濯纓水奈爾長路塵命也復何道今人猶昔人

閒情

紫苔生玉甃青窓隱夕曛佳人久不見翠被銷檀薰長
巾拂綠綺上有三年塵聊彈別燕弄寄謝陽臺雲

燭蛾

雙蛾來翩翩慕此堂上燭附炎竟何功自取焚如酷感
彼萬動微保生在無欲不見青林蟬飲風聊自足

題蘭陵王碑陰

碑載王名肅字長恭北齊文襄之子按北史直書
長恭而沒其名蓋當時以字行而史失其詳爾王
有武畧善撫士每得一瓜數李必分甘餌衆金墉
之戰免胄先登推功第一今蘭陵王曲即凱歌
也為後主所忌得疾不治而卒以鳩薨碑陰刻
王弟延宗一詩甚哀墓在滏陽西南十里道占
其東夏潦所湊壠已半圯碑字大兼小隸法有
古氣而不著書人名文乃盧思道也庚申九月

十日賦

齊室生武賢蘭陵類頗牧析瓜饗虎士饜慰比梁肉金
墉免冑戰破陣何神速樂府有遺聲當歌凱旋曲磐宗
既不壽霸祚宜爾促十代六百年人間變陵谷荒塗接
幽壠誰復禁樵牧窆石半欹摧鉤鋤斷鼃足蒼苔蝕瑑
刻仰睇眩塵目操翰無愧辭千言不為辱人生妄區別
共盡同草木何待雍門彈令君淚盈匊

冬夜寓直時庚申十月滄陽賦

落月半侵屋蛩聲寒到牀
羈人不堪此夢後夜仍長結
衣出庭戶河漢正蒼涼
浮陰暝四野來雁不知行
陳物悲暮節畏途懷故鄉
十年泥滓賤馳驅厭路傍
豈不志事功鬢毛攬朝霜
素尚竟誰許行歌追楚狂

冠氏送武欽之安陽

黃金絡征轡之子待明發
樽酒少遲留禪林見涼月
歌鬟結蛾黛怨此佳期濶
去去柳堤風青蟬催白髮

寄杜邯鄲

余寓居魏之冠氏杜仲觀以詩相招屬大河北徙莫知其津竟不果赴但

賦此

答之

窮巷厭多雨，顏垣藜藿生。
蛸蟥飽風露，晏景一何清。
坐指歲芳歇，羈人心骨驚。
所懷不可見，東州聞政聲。
三年但弦歌，百里稱神明。
風月動高興，詩章時一鳴。
天葩落健筆，直與春工爭。
渾河失故渠，怒水方縱橫。
難憑東菴濟，跬步萬里程。
夢想不知遠，笑談何可并。
賴有西飛翰，尺紙緘馳情。

除夜歎京師賦示周沆

壯髮忽種種年華今復窮客懷少安適況乃京塵中病
肺厭斟酌疲筋謝過從閑坊稅老屋車馬無來蹤日俸
纔百錢鹽虀猶不供夜榻覆龍具晨炊熏馬通出門欲
貸乞羞汗難為容安得一扁舟浮家乘興東江山比深
隱終老為田翁春秧二頃苗秋穫期百鍾稚子課樵汲
壯妻兼織春行歌滄浪清卧快柴桑風神明養內觀憂
患無旁攻有客聞此言誚余何不衷茲行果勇決誰攬
冥冥鴻安知祿籍間去就如樊籠微尚良自信所悲君

不同

寄杜仲觀

憶昔叢臺下觀嚴挺之懷古賦蔡有隣書錫碑在佛祠中

中春雨收霽與子登叢臺形勝宛然在太行西北來無
情百尺土千載未摧頽四顧發悲嘯淒風振頤頰凌高
氣象變似不容徘徊下出破禪刹斷碑生紫苔嚴公賦
懷古復使後人哀西尋王氏園一徑趨城隈老竹未萌
筍繁花如雪開惠然美少年逸躅欣攀陪小榭羅醺豆
開簾安排詎招呼縹緲人晚鏡催妝梅水調唱金縷雲

罌浮玉醕傾腸敢惜醉忘著接羅回明日遂分首舊遊
安在哉西風吹去雁尺紙為君裁

遊雲龍張氏山居詩雲龍山距彭城郭南三里

郡人張天驥聖塗築亭于西麓元豐初郡守

眉山蘇公屢登燕于此亭下畜二鶴因以放

鶴名亭復為之記亭下有小屋曰蘇齋壁間

榜眉山所留二詩及畫大枯株亦公醉筆也

亭上一逕至山腹有石如礧治者公復題三

十許字記戊午仲冬雪後與二三子攜惠山
泉烹鳳團此巖下張即鑱之壬戌秋余初至
徐張惠然見臨繼相招為山中遊

昔聞張逸民卜築雲龍山東望結遐想喜得彭城官一
語定襟契宛如平生歡招攜屬休沐投此蘿薜間女僕
候門巷青桂雙翠鬟蘇齋軒戶明餅火焚椒蘭寶墨鬼
神護清詩水玉寒森然拱簷雷架石排琅玕東趨放鶴
亭磴道披茅菅指顧百村落炊煙林莽間日脚灑平陸

兩山如斷環淒風振晚葉坐怯衣裳單引領紫霄極飄
飆如可干緬懷眉山公五馬來遊盤酣興走顛筆蒼崖
即鑒刊午年仲冬月雪野雲彌漫掃石坐舒嘯惠泉烹
鳳團當時詫盛集千古陋達安俛仰迹遂陳斯人久泥
蟠我來後千日逸躅何由攀仰懷勝事往俯遵塵路還
山英能不辱時欸白雲關

登黃樓有懷蘇眉山

時公謫
居黃岡

登黃樓望黃州黃州望不見樓下水東流水流何可留

浮雲更悠悠傷心澤畔客憔悴楚蘭秋

燕子樓

城據山川勝千年為故都高樓臨汴水楊柳蔭芙蓉唐
室中多故將軍老鎮徐毬場朝戲馬玉帳夜投壺白雪
徵清唱黃金得綠珠春風樓上醺三日極歡娛紅粉夢
魂散白楊兵火餘已亡雕夏燕空有穴墻狐曲徑擁黃
葉西風時掃除來客晚登覽傍徨思壯圖荆榛閉銅雀
麋鹿遊姑蘇陳迹豈足道舊歡何日無朱欄開酒場寶

勒迎官奴醉袖舞鵲鵲
鵲鵲聲歌鵲鵲遲留故時月挂影
來座隅

上巳後一日登快哉亭作

上巳信嘉辰流觴傳舊俗良遊悵不遂吏局方有屬東
風吹曉雨萬竅嗥林麓疑有泊舟人狂歌河女曲逾朝
始澄霽物色如新沐城角趨危亭登臨慰幽獨

三月二十日遊南臺感賦

晴春六十日不與酒杯親吏事豈無間風雨復兼旬始

作南城遊時物固已陳掃迹桃與李濃綠迷荆榛登高
暫逍遙引目清泗濱向田有交逕俯城皆要津得意屬
禽魚愛茲意共馴顧余千里客一官猶患貧履綦集座
隅萊蕪滿甌塵山園有芳蘭幽珮手自紉長哦白雲謠
遐想紫陽真去矣南昌尉庶幾乎若人

艤舟秦淮雪中訪侍其瑀

北風破雨初成雪齋舫篷窓吹紙裂簾舁觸冷訪圓廬
得把一盃聊耳熱人生自適待何時矧君與我皆衰遲

會待晴天暖風日杖藜同赴北山期

留別僧訥

冗從西班牙誰比數牛僧馬醫猶爾汝詩解窮人未必工
苦調酸聲効梁父榮陽道人方外交謂我有言追屈騷
驪珠不惜彈黃雀狗尾何堪聯黑貂秦淮潮上扁舟發
後日相思一書札千里同風了了然人間無處無明月

題漢陽招真亭

亭在大別峯頂

大別山巔清沔尾飛亭岵嵒帶雲起清狂使君初燕喜

拍手招呼黃鶴子玄津煉出太陽酥手葺胎髮蒙頭顱
每誇久落北鄆籍豈意齋恨歸黃壚越客登臨興何有
愁不能言病妨酒殘陽雲夢宵然深尚欲開襟吞八九
羽駕飄颻安在哉使君餘跡已塵埃但見庾令樓橫煙
樹杪角聲催月渡江來

送鄂州刑獄掾王懋元功罷官還海陵兼簡金

陵和上人

暖雲芳草橫塘路送客何之官鄂渚江臯暑淫氣如蒸

別來何事還海陵海陵鄂渚非吾土每後君來先我去
人無根蒂本悠悠況指滄波是舟路君方少健我衰遲
跼蹙轅間不自持因行寄聲雁門遠歲暮敢忘林下期
和張謀父遊石佛山觀魏太武書

按南北史彭城圖經魏太平真君十一年太武
南侵至瓜步築宮駐蹕聲欲渡江宋人患之
因遣使請婚饋百牢以犒師明年春旋師渡
淮復留連徐方再旬始北去今彭城南五里

因山鏡佛高十許丈東北百步有大磐石歌
枕小溪劃然有四字曰阿彌陀佛皆徑尺餘特
陀佛兩字為逸筆結之其長倍尋下落溪中
蓋當時太武以鐵筆畫是字非刊刻也乙丑
秋張謀父摹墨本見惠兼賦一詩以要余屬
和焉

中夏昔屯否代邦天所開鴻圖屬太武不世英雄才南
洗浴陽血西盪長安灰羶車十萬乘畧地驅風雷一葦

濟長淮築宮瓜步隈東隣拜牢饒走使為婚媒雲旗即
歸路覽勝此裴裒俯揮鐵馬鞭頑石同陶坏劃成四大
字屹栗陰虹摧淪精入崖壑怒氣羞蟠回茫茫六百年
風雨生莓苔偉績寢銷泯威靈安在哉君為訪古遊賦
詩追七哀人生誰不爾零落同塵埃

感懷寄二三知舊

人生七十稀行年今已半事功貴及時遲暮復何算嗟
吾夙夜疚失怙在童丱詩禮思有聞飄飄辭祖貫慈親

念衰緒碎碎營婚宦名姓係西班牙星霜亟徂換未築黃金臺長歌白石爛豈無同心契相望眇雲漢

擬南梁慧侶法師獨杵擣衣

嶧陽桐杵鳴蓮岳石砧平待誰相應節要自不勝情吹衣風稍急弔影月微明會有不眠客聽此斷腸聲

擬阮步兵夜中不能寐

夜久不成夢張燈開故書清霜屏雲物片月來庭除良時悵難再不與佳人俱掩卷長太息望子城之隅

遊雍丘燕溪分韻作

捨轡步平綠解衿俯清池微風度脩竹瑟瑟生淪漪梨
華照晴影暖雪正紛披把酒久沈想況與玉人期

留侯廟下作

文成念韓痛破產伺彊秦千金募健士椎斷屬車塵東
去變名姓浮游淮泗濱忍恥奉遺履得書何老人十年
風雲會赤帝資經綸鴻門禍端結一言即解紛英彭既
合縱楚項提孤軍偉哉借箸談豎儒無復陳分疆餌兩

將來若從龍雲釋怨俟印謀銷蛇豕羣定都天府國
推功歸奉春四老落吾術拂巾辭隱淪東朝羽翼就楚
調徒悲辛出處能事畢致君終乞身豈眷萬戶封僅與
蕭鄴均淮陰敗晚節顧亦非吾倫願訪赤松子逍遙雲
漢津嚴祠鎮川湄餘澤及斯民祇應終萬古黃石共威
神

遊金陵雨花臺 在城之西南蓋生公講堂故
址也南即石子岡登覽盡江南之勝

迢迢朱雀航飛蓋共凌越東風石子岡芳草微徑絕生
公法堂在清夜貯明月回認城郭遊春華爛晴雪長煙
動江隩微雲起山脅連檣去遲回白鳥屢明滅

題香社寺平疴湯泉

驪山御湯殿歲久玉蓮傾誰謂大江北有泉溫且清相
傳白雲竇中閼丹砂英澡濯浹肌骨沈疴亟能平豈特
滌吾足徑當潔吾纓築廬俯源上涵泳鳧鷖輕非復罍
塵網御風朝玉京賦詩投楚澤用弔懷沙生

宿寶泉山慧日寺

日入思不遑驅車更之東回蹊出蒙密解袂迎長風
風從何許來歷歷江南鐘頓響阿蘭若虛庭月正中流螢
逗深竹白鳥巢青松華燈耿翠箔瑤花擢春叢絕境美
清夜恍非塵界逢惜無一樽酒幸與之子同明發即南
北浮生兩飛蓬

曉度黃葉嶺東谷懷金陵王居士閒叟嶺在烏
江北八十里戊辰七月十六日自寶泉慧日

寺之茅塘村路經此

陰谷不寓暑風松朝露零乳溪逗綠篠琴筑聲泠泠老
石漬金碧窅然沈列星酌此石上泉餌彼松下苓倏歛
振飛步豈徒制頽齡何須歷五嶽即蹈神人庭顧余方
有役俗駕不敢停寄音采真子預卜白雲局

過胡城 烏江縣譜昔石虎南侵晉相王導築
此壘以遏之

石虎昔憑凌濶步長淮外去此百雉城萬甲屯要害時

平一登望江山互襟帶想像文獻公清風宛如在

采石磯

瀕江兩磯相對相傳李太白嘗隱東

磯上故址存焉

東西采石磯山水兩清絕漁舸與商舶今古幾沿越飄
飄翰林主長笑弄明月難訪物外遊飛雲眇天末

百福寺

卽唐詩人張司業籍故居籍繪像今

存

文昌西郭居脩竹閉環堵琴樽不復存青蓮開梵宇塵

紛晦遺像粉繪才可覩拜奠愧無言長哦古樂府

遊金山

輕舳放中濡岸遠春風壯檝師俯仰呼天水爭簸蕩吾
方扣其舷聊賡小海唱梢回即東麓側磴聯屨杖危剝
表層巔疲筋躡牽強斜廊繚複殿魚脊分背向放目四
垠寬秋毫入吾望侵雲鐵甕壘崛起無緣傍映日海門
山不帶滄波上吾雖百石吏平昔有微尚俄得金仙徒
翦蘿開岫幌誓投桑榆年浮玉翁自況

感庭棗

昔來花纂纂遽許實離離西風會搖落行復見空枝歲
物感流駛事功傷暮遲咄彼身後名前人端自欺書殫
南山竹奄奄定何知賢哉張生翰千載與心期

寄題栗亭

少陵昔避地幽棲鳳皇川始願獲其所賦詩此終焉
彼美林麓蔭膏腴上田陽坡饒垂珠陰谷繁玉延長鏡
勤采斲服食攀飛仙兵祲奪和氣力耕無善年林垌開

冰雪旬決斷庖煙嗚呼歌七章暮節西南遷環堵久蕪
沒斯亭名尚傳茂宰愴懷古增崇殊過前雕甍揭長簾
下客十客筵嫩嵐隔春叢清竹鳴夏蟬風月有高興寫
之武城絃狂客屬庭廢駕筋難強鞭何暇遠登覽但哦
鯨海篇尚苦八口累依稀同曩賢餘齡寄幻境未斷東
西緣江淮米價平一舸去悠然幸此歲豐樂浮游吾所
便異時訪陳躡復使後人憐

寄題潯陽周氏瀟溪草堂 周本江華人名敦

頤字茂叔仕至尚書郎累使嶺表中年投節
退居湓城之南溪上因名濂溪以自況二子
壽字元翁燾字次元相踵第進士丙子五月
余艤舟漢陽始與元翁相際求余賦此詩

濂溪之水清未足濯公纓平生抱苦節成就此溪名長
歎置符傳孤雲歸思輕溪頭四壁居溪下百畝耕量汲
奉晨盥課樵共夕烹希逢杖屨遊但聽絃歌聲為客開
三徑傳家惟一經雙珠光照乘合璧價連城褐被有餘

樂問縑無隱情昔仰名父子今推難弟兄不應文範裔
遽謂公慙卿勒詩高崖石敢告後代生

和潘幽老漢上屬目

白雲蒙山頭清川山下流芳洲采香女薄暮漾歸舟並
蒂雙荷葉逢迎一障羞持情不得語大婦在高樓

雨餘晚望

相應乳鳩鳴桑間返照平明津小舫度高隴一牛耕林
藪歸心健塵埃病骨輕屈騷魂爽在未許獨君清

待曉朝謁天慶作

望曉謁琳宮，荒庭霧氣濃。
曾陪羽林仗，如待景陽鐘。
薄宦情無幾，勞生夢不容。
樵朋與漁伴，他日會相從。

擬溫飛卿

露網朱甍上，風簾翠幙前。
宿衾熏菡萏，朝鏡拂漪漣。
津潤銷金筆，香依撲粉綿。
度閒雙陸子，撥恨十三弦。
鸚鵡殷勤語，梅檀委曲煙。
鮫綃乾玉筍，魚鑰限金蓮。
團扇訝桃葉，烏絲代杏牋。
朱門長窅窅，白馬自翩翩。
難釣三銖樹。

徒拋七寶鞭酒闌應有待夢破即無緣信鵲新秋去孤
蟾後夜圓浪言牆外地的是洞中仙

題張氏白雲庄 彭城張謀父居泗洲之東山

耕田數百里中擇爽塏列樹松竹結茅其間
榜曰白雲庄甲子九月置酒招余與寇陳王

李子酒酣賦余得雲字

江左陶徵士高風昔所聞應慙五株柳難比一溪雲我
有乘桴約君方植杖耘悠悠竟何得晚歲盍同羣

送陳傳道攝官雙溝

弭楫想登臨，閒雲護日陰。
青蒲泗水濶，古木漢祠深。
應醉盃中物，誰聞澤畔吟。
禪坊養病客，輕別若為心。

遊滕縣時氏園池

珍重西園主，開門待子猷。
城隅樹交蔭，樓下水通流。
鴈珍重西園主，開門待子猷。
城隅樹交蔭，樓下水通流。
鴈

自鄆還徐道中

八月過新雨，行雲弄晚涼。
山川乍明晦，禾黍半青黃。
西

去真何事東還非故鄉悠悠塵土裏無路不亡羊

丙寅舟次宋城作

水館雨邊村登臨奈斷魂黃花開小徑紅粉哭高原舟
檝逢新火松楸老故園斜陽一千里依約是蘇門

苦竹村南馬上

楚澤薰風後林臯夕照間漁船沿綠岸鳥道轉荒山久
負杯中樂長偷馬上閒悠悠白門路何日杖藜還

題諸葛劖田家壁 地在烏江北八十里與江

南石頭城相望

晚度孔明砦林間訪老農行衝落葉逕坐聽隔江鐘後
舍燈猶織前溪水自春無多遊宦興卜隱幸相容

訓桂林從叔

江到三湘盡山圍八桂深龍蛇寒不織霧露晝多陰迢
遞馳梅信殷勤訪竹林淮南風土美留滯亦何心

懷寄潘孝本兼簡其子言

春色先梅嶺秋聲後桂林溪通五羊險雲近九疑陰無

雁難逢信有猿能伴吟燒春酒自美應對阿戎斟

宿黃葉嶺田家

聚落荒山裏畲田歲不登牛衣障隙雪鼠穴見隣燈愁
入魚難瞑寒凝酒亦冰悵然歌白石推枕待晨興

遊六合定山真如寺 達摩初祖道場

隻履西歸遠何年此布金地寒蒼檜老歲晏白雲陰燒
隔溪水斷樵穿徑雪深祖心無處問俗駕晚駸駸

湯泉道中

青石岡西下靈泉產藥苗
山英如有待水落可相招
蟬帶風移樹塵隨馬度橋
颺鞭吟舊句歸路不知遙

艤舟當利口待風累日懷寄城中朋遊

一葉寄津口怒濤安可乘
朝風占酒旆夜爨乞漁燈
牛渚逢新月秦淮想結冰
故人他日夢歌吹滿金陵

金陵懷寄歷陽王掾

征虜亭邊路望夫山下舟
長江不隔夢明月祇供愁
促席歌塵斷閒窓醉墨留
惜芳橋畔柳誰繫木蘭舟

秦淮夜泊

官柳動春條
秦淮生暮潮
樓臺見新月
燈火上雙橋
隔岸開朱箔
臨風弄紫簫
誰憐遠遊子
心旆正搖搖

辛未興龍節日懷歷陽王掾元胥

昨歲東溪口
扁舟欲下江
伴愁燈映幔
欺睡月侵窓
漫寄書連紙
誰同酒一缸
何當見之子
聊使我心降

秋夜聞雨晨興偶書

故國心馳北
扁舟計漫東
寒生一夜雨
病涉兩秋風
落

泊籬根葉幽憂屋角虫何情悲節物聊自況衰翁

謝米雍丘元章見過

今古兩妙令雍丘與太丘當時稱道廣後日想風流吏
軒庭陰午農歌野色秋吾非荀氏老愧爾德星留

龜山晚泊

春候半寒溫維舟淮上村長林補山罅青草際潮痕久
厭浮家役重招去國魂禪房欲舒寫煙雨促黃昏

舟發金陵望歷陽作

尚識歷陽道依然西照間風煙石磧成林麓楚王山隔
水一凝佇當年數往還誰知躍馬客衰病再投閒

郎官湖

按李白詩序云乾元歲流夜郎遇故人尚書郎
張謂使夏口沔州杜太守漢陽王令觴于江城
之南湖張公四望超然請白標之嘉名白因號
之郎官湖席上文士輔翼岑靖以為知言今所
謂郎官湖者占郡城之北東手于兩山間縱

廣百步許固不足四望而超然也已知其非是
且郡南瀕江之人持南唐時地券尚指郎官
湖為隣蓋湖為江水所并而去城里餘猶有洲
渚隱然未泯乃湖之故防也余丙子五月舟次沔陽
求訪遺老始得其詳因賦此詩志之

當年賢守令載酒沔南遊涼月呈新霽明湖涵素秋郎
官夏口使仙客夜郎囚促膝青螭舫連觴紫綺裘高驩
隨雨散餘躅想風流芳草失青履滄波浮白鷗江吞百

頃盡石刻一篇留宜有沈碑者前懷陵谷憂

題寶泉官舍壁 寶泉監在夏郡城東三里黃

鵠山之陰

偶著強名字非才但鑄金不妨稱外監況復住山陰勝
日聊披卷清風故解衿餘生偷祿隱何者是升沈

江夏寓興

風與檣鳥便儂先塞雁來山經七澤斷潮自九江回漁
父猶知隱騷人枉銜才朋遊正相遠梅信為誰開

雨晴西郊寓目

城中厭雨過清和偶出西郊野意多
蠶簇趁晴初摘繭
麥場經潤欲生蛾
營巢黃鳥啼深樹
引犢青牛飲暮河
老圃念人留佇久
挽衣沽酒願相過

寄周文清 周時流寓海陵丁巳八月趙郡賦

節物驚心不我留
故人相望海邊州
芰荷老盡池臺晚
鴻雁來多雲漢秋
誰共清樽尋樂事
獨將長幅寫離憂
明年芳草青門道
好試青衫伴俠遊

冠氏寺居書懷

古剎荒涼畫掩門，鳴雞吠犬接西村。
窗間自記曾歸夢，樓外誰招欲斷魂。
漫賦新詩題琬琰，少逢佳客佩蘭蓀。
更堪愁肺經春病，負爾商歌酒一樽。

題彭城張氏放鶴亭 亭有石刻蘇眉山製文

唐之陽春亭故址在徐城之東，薛能尚書有

詩見集中。壬戌九月賦。

曾見君家亭上碑，東望風月動閒思。
昔曾卜築如相待，

今遂登臨是不期萬頃白雲山缺處一庭黃葉雨來時
許昌應負重泉恨當日陽春枉賦詩

臨汧亭送客還馬上作

袞袞塵埃與願違可堪持酒送將歸壯心已服駑駘老
羈思常先朔雁飛十口無厭太倉粟四隣分采故山薇
何時偃卧柴桑里自訟淵明昨日非

病後登快哉亭

經雨清蟬得意鳴征塵斷處見歸程病來把酒不知厭

夢後倚樓無限情
鴉帶斜陽投古剝
草將野色入荒城
故園又負黃昏約
但覺秋風髮上生

送李宗古錄事謝病南歸

十旬病免謝難羣
收得閒身付白雲
南浦少留離別賦
北山相負勒移文
松舟桂楫曉將發
菰葉鱸魚秋未分
異日有懷長笑客
西飛燕子一相聞

題永城縣園水亭

詰曲池塘碧玉流
楔亭孤占小汀洲
長紉座上芳蘭佩

不繫簷前畫蠲舟好泛羽觴修舊事為書繭紙記清遊
季真待得東還日初見紅蕖十畝秋

罷大匠屬為淮南行

何處經行特惘然津頭曾送木蘭船桃花春水生前夜
楊柳秋風憶故年驛路尺書疑斷絕官倉斗米愧留連
飄飄復作江湖計從此長安是日邊

同王克慎宿清涼寺兼示和上人

六代風流不可尋石頭勝槩古猶今疎鐘答響江山迥

野鳥忘機松竹深借問白雲誰卜築擬要明月共登臨
終投逸少興公社蔬粥麻衣事道林

與張歷陽追懷從禽之樂因賦

宜秋門外養鷹坊好草陂頭射雉場油幕氍毹張野飲
錦袍貂帽結戎裝興闌落日黃塵斷夢後西風白髮長
誰念江湖獨流寓此情難話與漁郎

歷陽姥磯下馬上有懷京都遊好

楚澤初冬正獲田孤鴻欲下却翻然人煙隱約青山郭

雲物離披小雪天
送別盃盤猶昨日
勞生鞍馬遂窮年
故人多在金閨籍
誰念心如寸斷絃

烏江東鄉往還馬上作

黃塵隨馬染征衣
十里江臯送客暉
廢井草荒龜黿怒
下田沙漲芋魁肥
解纓拂樹弄清淺
橫榻掃雲飛翠微
人生事事不如意
終日念歸何日歸

題定山寺法遠上人壁

支郎風味喜相親
乘興來尋雪後春
夾逕竹陰疑礙馬

隔江山色似招人豈無暇日容高卧如有閒田願卜隣
預約東城二三子歲時相過莫辭頻

宿芥塘佛祠於壁間得魏湘畢平仲張士宗回

所留字皆吾故人也庚午三月賦

青青薤夾欲抽芒浩蕩東風晚更狂微逕斷橋尋古寺
短籬高樹隔橫塘開門未掃楊花雨待曉先燒柏子香
底許暫忘行役倦故人題字滿長廊

上巳晚泊龜山作

薄暮東風不滿帆，遲遲未忍去淮南。
故園猶在北山北，佳節可憐三月三。
蘭葉自供遊女佩，芸編聊對故人談。
洛橋車騎相望客，曾為吳兒幾許慙。

寄清涼和上人

南國風流百不存，石頭今是給孤園。
山連雉堞斜侵路，潮送漁舟自到門。
方丈定容居士病，貝多應待客兒翻。
懸知後日逢迎際，桃李春風兩不言。

潘幽老出十數詩，皆有懷蘇儋州者，因賦。

人煙寂絕鬼門關更指澹州香莽間三四月交天漏雨
東南地盡水浮山依迷春草鷁原失響像秋風鶴馭還
回羨河陽賢父子雪堂曾伴十年閒

答致仕吳朝請潛登黃鶴樓見招

城隅黃鶴莫登臨端使悲翁動楚吟日下長安人共遠
天圓夢澤歲方陰北風欲雪雁飛急南渚始冰魚伏深
誰似草堂安隱客下帷隱几不求心

二月二日席上賦

仲宣何遽向荊州
謝惠連須更少留二日
舊傳挑菜節
一杯聊解負薪憂
向人草樹有佳色
帶郭江山皆勝遊
載酒賦詩從此始
他年耆舊話風流

高郵舟中對雪

天涯晚歲客無歡
擁鼻微吟行路難
三楚浮程波淼淼
五陵歸夢雪漫漫
兔園授簡心猶壯
剡曲拏舟興久闌
病骨支離仍禁酒
漁簑重緝待春寒

廣陵茱萸灣晚泊

冷雲拋雪未成花
過埭東風凍著沙
荻浦漁歸初下雁
楓橋市散只啼鴉
舊聞南國饒春事
行見東風換物華
老病心情亦何有
藥囊詩卷是生涯

清燕堂

雀聲嘖嘖燕飛飛
在得殘紅一兩枝
睡思乍來還乍去
日長披卷下簾時

初見白髮示內

安能屈指計封侯
西日東風見白頭
信是色身非我有

若論身外更悠悠

西城馬上

燭冷塵消過上元
晴明風日柳初繁
偷閒偶出西城陌
喜見青山似故園

再遊西城

柳條破眼已堪攀
驚下城隅水一灣
後日重來寒食近
杏花林外見青山

晚泊會亭

此日符離復捨舟馬蹄塵土入徐州只應明月曾相識
伴我時登燕子樓

楊柳枝詞

楊柳東風盡日吹柔條應自不禁持都門三月傷心地
強半青青贈別離

汴下晚歸

隋渠經雪已流冰乘興東遊恐未能試問何人知夜永
一樽相伴小窗燈

過曹氏園馬上作

香風細細出重牆
不見繁枝已斷腸
知有何人卷簾箔
卧看零落滿斜陽

重賦京居暮感興

怒風狂雨信悠悠
收拾春華不少留
祇有柳綿吹未盡
墻陰落泊伴人愁

斗峴山馬上

西來投策倦躋攀
晚葉寒華一逕間
盡日閒雲不留雨

斜陽還照隔江山

渡冷水澗投宿萬歲嶺

蕭蕭黃葉下清溝
白鳥飛來故少留
今夜行人短亭宿
小窗風雨夢漁舟

同張漢求宿升小院西寮

僧閣窗扉學畫船
青熒燈火對床眠
北風帶雪披簷竹
渾似瀟湘夜泊天

石倉歷代詩選卷一百四十九

欽定四庫全書

集部

石倉歷代詩選卷一百

五十三

詳校官庶吉士臣范逢恩

侍讀臣孫球覆勘

總校官進士臣朱鈐

校對官中書臣方大川

謄錄監生臣朱紱

欽定四庫全書

石倉歷代詩選卷一百五十

明 曹學佺 編

宋詩二十七

蘇軾

別歲

故人適千里臨別尚遲遲
人行猶可復歲行那可追
問歲安所之遠在天一涯
已逐東流水赴海歸無時
東鄰

酒初熟西舍彘亦肥且為一日歡慰此窮年悲

九月二十日微雪懷子由弟

岐陽九月天微雪已作蕭條歲暮心短日送寒砧杵急
冷官無事屋廬深愁腸別後能消酒白髮秋來已上簪
近買貂裘堪出塞忽思乘傳問西隰

和劉長安題薛周逸老亭周最善飲酒未七十而致仕

近聞薛公子早退驚常流買園招野鶴鑿井動潛虬自

言酒中趣一斗勝涼州翻然拂衣去親愛挽不留隱居
亦何樂素志庶可求所亡嗟無幾所得不啻酬青春為
君好白日為君悠山鳥奏琴筑野花弄閒幽雖辭功與
名其樂實素侯至今清夜夢尚驚冠壓頭誰能載美酒
往以大白浮之子雖不識因公可與遊

中隱堂

去蜀初逃難遊秦遂不歸園荒喬木老堂在昔人非鑿
石清泉激開門野鶴飛退居吾久念長恐此心違

二月驚梅晚幽香此地無依依慰越客皎皎似吳姝不
恨故園遠空嗟芳歲徂春深桃李亂笑汝益羈孤

李氏園

朝遊北城東回首見脩竹下有朱門家破牆園古屋舉
鞭叩其戶幽響答空谷入門所見夥十步九移目異花
兼四方野鳥喧百族其西引溪水活活轉牆曲東注入
深林林深窓戶綠水光兼竹淨時有獨立鵠林中百尺
松歲久蒼鱗感豈惟此地少意恐闌中獨小橋過南浦

夾道多喬木，隱如城百雉。挺若舟千斛，陰陰日光淡。黯黯秋氣蓄，盡東為方池。野鴈雜家鷺，紅梨驚合抱。映島孤雲馥，春光水容漾。雪陣風翻撲，其北臨長溪。波聲捲平陸，北山卧可見。蒼翠間硤禿，我時來周覽。問此誰所築，云昔李將軍。負嶮乘衰叔，抽錢算間口。但未摧羹粥，當時奪民田。失業安敢哭，此亭破千家。鬱鬱城之麓，將軍竟何事。蟻蝨生刀韜，何嘗載美酒。來此駐車轂，空使後世人。聞名頸猶縮，我今官正閒。屢至因休沐，人生營

居止竟為何人卜何當辦一身永與清景逐

秦穆公墓

橐泉故在秦城東墓去城中無百步乃知昔未有此城
秦人以泉識公墓昔公生不誅孟明豈有死日殄其良
乃知三子殉公意亦如齊士從田橫古人感一飯尚能
殺其身今人不復見此等乃以所見疑古人古人不可
望今人益可傷

七月廿四日以久不雨出禱磻溪是日宿號縣

廿五日晚自號縣渡渭宿于僧舍曾閣閣故
曾氏所建也夜久不寐見壁有前縣令趙薦
留名有懷其人

龕燈明滅欲三更欹枕無人夢自驚深谷留風終夜響
亂山銜月半牀明故人漸遠無消息古寺空來有姓名
欲向磻溪問姜叟僕夫慵語斗杓傾

是日自磻溪將往陽平憩于麻田青峯寺之下

院翠麓亭

不到峯前寺空來渭上村此亭聊可喜脩徑豈辭捫谷
映朱欄秀山含古木尊路窮驚石斷林缺見河奔馬困
嘶青草僧留薦晚飧我來秋日午旱久石牀溫安得雲
如蓋能令雨瀉盆共看山麓稻涼葉意翻翻

是日至下馬磧憩于北山僧舍有閣曰懷賢南
直斜谷西臨五丈原諸葛孔明所從出師也
南望斜谷口三山如犬牙西觀五丈原鬱屈如長蛇有
懷諸葛公萬騎出漢巴吏士寂如水蕭蕭聞馬櫓公才

與曹丕豈止十倍加顧瞻三輔間勢若風捲沙一朝長
星墜竟使蜀婦髻山僧豈知此斗室老煙霞往事逐雲
散故山依渭斜客來空弔古清淚落悲笳

和子由記園中草木

自我來關輔南山得再遊山中亦何有草木媚深幽
菖蒲人不識生此亂石溝山高霜雪苦苗葉不得抽下有
十歲根感縮如蟠虬長為鬼神守德薄安敢偷

野菊生秋澗芳心空自知無人驚歲晚惟有暗蛩悲花

開澗水上花落澗水湄
菊衰蛩亦蟄與汝歲相期
楚客方多感秋風詠江蘼
落英不滿掬何以慰朝飢

南溪之南竹林中新構一茅堂
余以其所處最為深邃故名之避世堂

猶恨溪堂淺更穿脩竹林
茅茨追上古冠蓋謝當今
曉夢猿呼覺秋懷鳥伴吟
暫來聊解帶屢去欲攜衾
湖上行入絕堦前暮雪深
應逢綠毛叟叩戶夜抽簪

樓觀

鳥噪猿呼晝閉門寂寥誰識古皇尊青牛久已辭人世
白鶴時來訪子孫山近坳風吹積雪天寒落日淡孤村
羽流應怪遊人衆汲盡堦前井水渾

仙遊潭

翠壁下無路何年雷雨穿光搖巖上寺深入影中天我
欲燃犀看龍應懷寶眠誰能孤石上危坐試僧禪

唐初傳有此亂後不留碑畏虎關門蚤無村得米遲山
泉自入甕野桂不勝炊信美那能久應先學恣飢

司竹監燒葦園因召都巡簡柴貽勗左藏以其
徒會獵園下

官園刈葦歲留槎深冬放火如紅霞枯槎燒盡餘根在
春雨一洗皆萌芽黃狐老兔最狡捷賣侮百獸常矜誇
年年此厄竟不悟但愛蒙密爭來家風迴焰卷毛尾熱
欲出已被蒼鷹遮野人來言此最樂徒手曉出歸滿車
巡邊將軍在近邑呼來颯颯從戈戍兵久閒可小試
戰鼓雖凍猶堪撾雄心欲搏南澗虎陣勢頗學常山蛇

霜乾火烈聲爆野飛走無路號且呀迎人截來若逢箭
避犬逸去窮投置擊鮮走馬殊未厭但恐落日催棲鴉
蔽旗仆鼓坐數獲鞍挂雉兔肩分麇主人置酒聚狂客
紛紛醉語晚更譁燎毛燔肉不暇割飲啗直欲追羲媧
青丘雲夢古所吒與此何啻百倍加苦遭諫疏說夷羿
又被賦客嘲淫奢豈如閒官走山邑放曠不與趨朝衙
農工已畢歲云暮車騎雖少賓殊佳酒酣上馬去不告
獵獵霜風吹帽斜

華陰寄子由

三年無日不思歸夢裏還家旋覺非
臘酒送寒催去國東風吹雪滿征衣
三峯已過天浮翠四扇行看日照扉
里埃消磨不禁盡速攜家餉勞驂駢

陪歐陽公燕西湖

謂公方壯鬚似雪謂公已老浮光頰
竭來湖上飲美酒醉後劇談猶激烈
湖邊草木新著霜芙蓉晚菊爭煌煌
插花起舞為公壽公言百歲如風狂
赤松共遊也不惡

誰能忍飢啖仙藥已將天壽付天公彼徒辛苦吾差樂
城上烏棲暮靄生銀缸畫燭照湖明不辭歌詩勸公飲
坐無桓伊能撫箏

望海樓晚景

青山斷處塔層層隔岸人家喚欲磨江上秋風晚來急
為傳鐘鼓到西興

秋懷

苦熱念西風常恐來無時及茲遂淒凜又作徂年悲蟋

蟀鳴我牀黃葉投我幃窓前有棲鵬夜嘯如狐狸露冷
梧葉脫孤眠無安枝熠燿亦求偶高屋飛相追定知無
幾見迫此清霜期物化逝不留我興為嗟咨便當勤秉
燭行樂戒暮遲

其二

海風東南來吹盡三日雨空堦有餘滴似與幽人語念
我平生歡寂莫守環堵壺漿慰作勞裹飯救寒苦今年
秋應熱過從飽鷄黍嗟我獨何求萬里涉江浦居貧豈

無日自不安
猷猷念此坐
達晨殘燈翳復吐

梵天寺見僧守詮小詩清遠可愛次韻

但聞煙外鐘
不見煙中寺
幽人行未已
草露濕芒屨
惟應山頭月
夜夜照來去

宿水陸寺寄北山清順僧

草沒河堤雨
暗村寺藏
脩竹不知門
拾薪煮藥憐僧病
掃地燒香淨
客魂農事未休侵
小雪佛燈初上報
黃昏年來漸識幽
居味思與高人對
榻論

將之湖州戲贈華老

餘杭原是水中窟
仄聞吳興更清絕
湖中橘林新著霜
溪上苔花正浮雪
顧渚茶芽白于齒
梅溪木瓜紅勝頰
吳兒鱸縷薄欲飛
未去先說饒涎垂
亦知謝公到郡久
應怪杜牧尋春遲
鬢絲只好對禪榻
湖亭不用張水嬉

南寺千佛閣

古邑居民半海濤
師來興築便能高
千金用盡身無事
坐看香煙遶白毫

莘老天慶觀小園有亭北向道士山

春風欲動北風微
歸鴈亭邊送鴈歸
蜀客南遊家最遠
吳山寒盡雪先晞
扁舟去後花絮亂
五馬來時賓從非
惟有道人應不忘
抱琴無語立斜暉

秀州報本禪院鄉僧丈長老方丈

萬里家山一夢中
吳音漸已變兒童
每逢蜀叟談終日
便覺峨眉翠掃空
師已忘言真有道
我除搜句百無功
明年採藥天台去
更欲題詩滿浙東

法惠寺橫翠閣

朝見吳山橫暮見吳山從吳山故多態轉側為君容幽
人起朱閣空洞更無物惟有千步岡東西作簾額春來
故國歸無期人言悲秋春更悲已泛平湖思濯錦更看
橫翠憶我眉凋攔能得幾時好不獨憑攔人易老百年
興廢更堪哀懸知草莽化池臺遊人尋我舊遊處但覓
吳山橫處來

往富陽新城李節推先行三日留風水洞見待

春山磔磔鳴春禽此間不可無我吟路長漫漫傍江浦
此間不可無君語金鯽池邊不見君追君直過定山村
路人皆言君未遠騎馬少年清且婉風巖水穴舊聞名
只隔山溪夜不行溪橋曉溜浮梅萼知君繫馬巖花落
出城三日尚逶遲妻孥怪罵歸何時世上小兒誇疾走
如君相待今安有

自普照遊二庵

長松吟風晚雨細東庵半掩西庵閉山行盡日不逢人

裊裊野梅香入袂居僧笑我戀清景自厭山深出無計
我雖愛山亦自笑獨往神傷後難繼不如西湖飲美酒
紅杏碧桃香覆髻作詩寄謝採薇翁本不避人那避世

湖上夜歸

我飲不盡器半酣尤味長籃輿湖上歸春風吹面涼行
到孤山西夜色已蒼蒼清吟雜夢寐得句旋已忘尚記
梨花村依依聞暗香

自昌化雙溪館下步尋溪源至治平寺

亂山滴翠衣裘重雙澗響空窓戶搖飽食不嫌溪笋瘦
穿林閒覓野芎苗却愁縣令知遊寺尚喜漁人爭渡橋
正似醴泉山下路桑枝刺眼麥齊腰

病中遊祖塔院

紫李黃瓜村路香烏紗白葛道衣涼閉門野寺松陰轉
欹枕風軒客夢長因病得閒殊不惡安心是藥更無方
道人不惜堦前水借與匏尊自在嘗

栢堂

道人手種幾生前鶴骨龍姿尚宛然雙幹一先神物化
九朝三見太平年忽驚華構依巖出乞與佳名到處傳
此栢未枯君記取灰心聊伴小乘禪

竹閣

海山兜率兩茫然古寺無人竹滿軒白鶴不留歸後語
蒼龍猶是種時孫兩叢却似蕭郎筆十畝空懷渭上村
欲把新詩問遺像病維摩詰更無言

與述古自有美堂乘月夜歸

娟娟雲月稍侵軒
湫湫星河半隱山
魚鑰未收清夜永
鳳簫猶在翠微間
淒風瑟縮經絃柱
香霧淒迷著髻鬟
共喜使君能鼓樂
萬人爭看火城還

八月十五日看潮

定知玉兔十分圓
已作霜風九月寒
寄語重門休上鎖
夜潮留向月中看

萬人鼓噪懾吳儂
猶似浮江老阿童
欲識潮頭高幾許
越山渾在浪花中

江神河伯兩醺鷄海若東來氣吐霓安得夫差水犀手
三千強弩射潮低

東陽水樂亭

君不學白公引涇東注渭五斗黃泥一鍾水又不學哥
舒橫行西海頭歸來羯鼓打涼州但向空山石壁下愛
此有聲之清流流泉無絃石無竅強名水樂人人笑慣
見山僧已厭聽多情海月空留照洞庭不復來軒轅至
今魚龍舞鈞天聞道磬囊東入海何事伯牙仍輟絃鏘

然澗谷含宮徵節奏未成君獨喜不須寫入薰風曲縱有此聲無此耳

初自徑山歸述古召飲介亭以病先起

西風初作十分涼喜見新橙透甲香
遲暮賞心驚節物登臨病眼怯秋光
慣眠處士雲庵裏倦醉佳人錦瑟傍
猶有夢迴清興在卧聞歸路樂聲長

次韻周長官壽星院同餞魯少卿

瑠璃百頃水仙家風靜湖平響釣車
寂歷疎松欹晚照

伶俖寒蝶抱秋花困眠不覺依蒲褐歸路相將踏桂華
更著綸巾披鶴氅他年應作畫圖誇

次韻述古過周長官夜飲

起更饒鼓動諸鄰百首新詩間八珍已遣亂蛙成兩部
更邀明月作三人雲煙湖寺家家境燈火沙河夜夜春
曷不勸公勤秉燭老來光景似奔輪

弔天竺海月辯師

欲尋遺跡強沾裳本自無生可得亡今夜生公講堂月

滿庭依舊冷如霜

虎丘寺

入門無平田石路穿細嶺陰風生澗壑古木翳潭井湛
盧誰復見秋水光耿耿鐵花秀巖壁殺氣噤蛙黷幽幽
生公堂左右立頑礪當年或未信異類服精猛胡為百
歲後仙鬼互馳騁東軒有佳致雲光麗千頃熙熙覽生
物春意破淒冷我來屬無事霽日相與永喜鵲翻初旦
愁鳶蹲落景坐見漁樵還新月溪上影悟彼良自怡歸

田行可請

刁景純賞瑞香花憶先朝侍宴次韻

上苑夭桃自作行
劉郎去後幾回芳
厭從年少追新賞
閒對宮花識舊香
欲贈佳人非泛洎
好紉幽佩弔沈湘
鶴林神女無消息
為問何年返帝鄉

遊鶴林招隱

郊原雨初霽
春物有餘妍
古寺滿脩竹
深林聞杜鵑
睡餘柳花情
目眩山櫻然
西窓有病客
危坐看香煙

行歌白雲嶺坐詠脩竹林風輕花自落日薄山半陰澗
草誰復識聞香香難尋時見城市人幽居惜未深

過永樂文長老已卒

初驚鶴瘦不可識旋覺雲歸無處尋三過門間老病死
一彈指頃去來今存亡慣見渾無淚鄉井難忘尚有心
欲向錢塘訪圓澤葛洪川畔待秋深

新城陳氏園次晁補之韻

荒涼廢圃秋寂歷幽花晚山城已窮僻況與城相遠我

來亦何事徙倚望雲巘不見苦吟人清樽為誰滿

甘露寺彈箏

多景樓上彈新曲欲斷哀絃再三促江姬出聽霧雨愁
白浪翻空動浮玉喚取吾家雙鳳槽遣作三峽孤猿號
與君合奏芳春調啄木飛來霜樹杪

次韻陳海洲書懷

鬱鬱蒼梧海上山蓬萊方丈有無間舊聞草木皆仙藥
欲棄妻孥守市寰雅志未成空自歎故人相對若為顏

酒醒却憶兒童事長恨雙鳬去莫攀

雪夜書北臺壁

黃昏猶作雨纖纖夜靜無風勢轉嚴但覺衾裯如潑水
不知庭院已堆鹽五更曉色來書幌半夜寒聲落畫簷
試掃北臺看馬耳未隨埋沒有雙尖

城頭初日始翻鴉陌上晴泥已沒車凍合玉樓寒起粟
光搖銀海眩生花遺蝗入地應千尺宿麥連雲有幾家
老病自嗟詩力退空吟冰柱憶劉叉

莫笑銀杯小

陶潛一縣令獨飲仍獨醒公田二頃五十畝種秫作酒
不種秔我今號為二十石歲釀何能醉賓客請君莫笑
銀杯小爾來歲旱東海窄會當拂衣歸故丘作書貸粟
監河侯萬斛船中著美酒與君一生長拍浮

寄呂穆仲寺丞

孤山寺下水侵門每到先看醉墨痕楚相未亡談笑是
中郎不見典刑存君先去踏塵埃陌我亦來尋桑棗村

回首西湖真一夢灰心霜髮更休論

橫湖

貪看翠蓋擁紅粧不覺湖邊一夜霜卷却天機雲錦段
從教匹練寫秋光

寒蘆港

溶溶晴港漾春暉蘆筍生時柳絮飛還有江南風物否
桃花流水鱖魚肥

寄黎眉州

膠西高處望西川應在孤雲落照邊
瓦屋寒堆春後雪
我眉翠掃雨餘天
治經方笑春秋學
好士今無六一賢
且待淵明賦歸去
共將詩酒趁流年

和晁同年九月見寄

仰看鸞鵠刺天飛
浮世功名老不思
病馬已無千里志
騷人長負一秋悲
古來重九皆如此
別後西湖更屬誰
遣子窮愁天有意
吳中山水付清詩

夜雪獨宿柏山庵

晚雨纖纖變玉霏小庵高卧有餘清夢驚忽覩穿窓片
夜靜惟聞瀉竹聲稍壓冬溫聊得健未濡秋旱若為耕
天公用意真難會又作春風爛漫晴

送范景仁遊洛中

投老身彌健登山意未闌西遊為櫻筍東道盡鵷鷺杖
屨攜兒去園亭借客看折花斑竹寺弄水石樓灘鶻馬
哀憐白鷺雷怯笑韓薛書標洞府松蓋偃天壇試與劉
夫子重尋靖長官

時剪刷供帝閑
柘袍臨池侍三千
紅粧照日光
流淵樓下五螭吐
清寒往來感踏生
飛湍衆工舐筆和
朱鉉先生曹霸弟子
韓廋馬多肉尻雕
圓肉中畫骨誇猶
難金羈玉勒繡羅
鞍鞭箠刻烙傷天
全不如此圖近自
然平沙細草荒芊
綿驚鴻脫兔爭後
先王良挾策飛上
天何必俯首服短
轅

次韻子由送蔣夔赴代州學官

功利爭先變法初
典刑獨守老成餘
窮人未信詩能爾

倚市懸知繡不如代北諸生漸狂簡床頭雜說為爬梳
歸來問鴈吾何敢疾世王符解著書

東欄梨花

梨花淡白柳深青柳絮飛時花滿城惆悵東欄一株雪
人生看得幾清明

次韻答邦直子由

君雖為我此遲留別後淒涼我已憂不見便同千里遠
退歸終作十年遊恨無揚子一區宅懶卧元龍百尺樓

聞道鴈鴻滿臺閣網羅應不到沙鷗

司馬君實獨樂園

青山在屋上流水在屋下中有五畝園花竹秀而野花
香襲杖屨竹色侵盞斝樽酒樂餘春碁局消長夏洛陽
古多士風俗猶爾雅先生卧不出冠蓋傾洛社雖云衆
與樂中有獨樂者才全德不形所貴知我寡

過雲龍山人張天驥

郊原雨初足風日清且好病守亦欣然肩輿白門道荒

田咽蛩蚓村巷懸梨棗下有幽人居閉門空雀噪西風
高正厲落葉紛可掃孤僮卧斜日病馬放秋草脫身聲
利中道德自濯澡躬耕抱羸疾奉養百歲老吾生如寄
耳歸計失不早故山豈敢忘但恐迫華皓從君學種秫
斗酒時相勞

臺頭寺雨中送李邦直赴史館兼寄孫巨源

霜林日夜西風急老送君歸百憂集清歌窈眇入行雲
雲為不行天為泣紅葉黃花秋正亂白魚紫蟹君須憶

憑君說向髯將軍衰髮相逢應不識

河復

并敘

熙寧十年秋河決澶淵注鉅野入淮泗自澶魏以
北皆絕流而濟楚大被其害彭門城下水二丈八
尺七十餘日不退吏民疲于守禦十月十三日澶
州大風終日既止而河流一枝已復故道聞之喜
甚庶幾可塞乎乃作河復詩歌之道路以致民願
而迎神休蓋守土者之志也

君不見西漢元光元封間河決瓠子二十年鉅野東傾
淮泗滿楚人恣食黃河鱸萬里沙回封禪罷初遣越巫
沈白馬河公未許人力窮薪芻萬計隨流下吾君仁聖
如帝堯百神受職河神驕帝遣風師下約束北流夜起
澶州橋東風吹凍收微渌神功不用淇園竹居民種滿
河流淤仰看浮槎棲古木

答呂梁仲屯田

亂山合沓圍彭門官居獨在懸水村居民蕭條雜麋鹿

小市冷落無雞豚黃河西來初不覺但訝清泗流奔渾
夜聞沙岸鳴蠶盎曉看雪浪浮鵬鯢呂梁自古喉吻地
萬頃一抹何由吞坐觀入市卷閭井吏民走盡餘王尊
計窮路斷欲安適吟詩破屋愁鵲蹲歲寒霜重水歸壑
但見屋瓦留沙痕入城相對如夢寐我亦僅免為魚鼈
旋呼歌舞雜譏笑不惜飲釀空餅盆念君官舍米雪冷
新詩美酒聊相溫人生如寄何不樂為君擊鼓行金樽

虔州絕句

白鵲樓前翠作堆
縈雲嶺路若為開
故人應在千山外
不見梅花遠信來

朱樓深處日微明
皂蓋歸時酒半醒
薄暮漁樵人去盡
碧溪青嶂遶螺亭

却從塵外望塵中
無限樓臺煙雨濛
山水照人迷向背
只尋孤塔認西東

煙雲縹渺鬱孤臺
積翠浮空雨半開
想見之罍觀海市
絳宮明滅是蓬萊

回峯亂嶂鬱參差雲外高人豈得知誰向空山弄明月
山中木客解吟詩

訪張山人

魚龍隨水落猿鶴喜君還舊隱丘墟外新堂紫翠間野
麋馴杖屨幽桂出榛菅灑掃門前路山公亦愛山

萬木鎖雲龍天留與戴公路迷山向背人在溪西東薺
麥餘春雪櫻桃落晚風入城都不記歸路醉眠中

續麗人行

李仲謀家有周昉畫背面欠伸內人極精戲作

此詩

深宮無人春日長沈香亭北百花香美人睡起薄梳洗
燕舞鶯啼空斷腸畫工欲畫無窮意背立東風初破睡
若教回首却嫣然陽城下蔡俱風靡杜陵飢客眼長寒
蹇驢破帽隨金鞍隔花臨水時一見只許腰肢背後看
心醉歸來茅屋底方信人間有西子君不見孟光舉案
與眉齊何曾背面傷春啼

起伏龍行

徐州城東二十里有石潭父老云與泗水通增
損清濁相應不差時有河魚出焉元豐元年春
旱或云置虎頭潭中可以致雷雨用其說作起
伏龍行一首

何年白竹千鈞弩射殺南山雪毛虎至今顱骨帶霜牙
尚作四海毛蟲祖東方久旱千里赤三月行人口生土
碧潭近在古城東神物所蟠誰敢侮上歆蒼石擁巖竇

下應清河通水府眼光作電走金蟒鼻息為雲擢煙縷
當年負圖傳帝命左右義軒詔神禹爾來懷寶只貪眠
滿腹雷霆瘡不吐赤龍白虎戰明日倒卷黃河作飛雨
嗟吾豈樂鬪兩雄有事徑須煩一怒

攜妓樂遊張山人園

大杏金黃小麥熟墜巢乳鵲拳新竹故將俗物惱幽人
細馬紅粧滿山谷提壺勸酒意雖重杜鵑催歸聲更速
酒闌人散却關門寂歷斜陽掛疎木

送胡掾

亂葉和淒雨投空如散絲
流年一以駛遊子去何之
節義古所重艱危方自茲
他時著清德仍復畏人知

答范祖禹

吾州下邑生劉季誰數區區張與李
重瞳遺跡已塵埃
惟有黃樓臨泗水而今太守老且寒
俠氣不洗儒生酸
猶勝白門窮呂布欲將鞍馬事曹瞞

送將官梁左藏赴莫州

燕南垂趙北際其間不合大如礪至今父老哀公孫蒸
土為城鐵作門城中積穀三百萬猛士如雲驕不戰一
朝鼓角鳴地中帳下美人空掩面豈如千騎平時來笑
談聲欬生風雷葛巾羽扇紅塵靜投壺雅歌清燕開東
方健兒虓虎樣泣涕懷思廉恥將彭城老守亦淒然不
見君家雪兒唱

中秋見月寄子由

西風吹暑天益高明月耿耿分秋毫彭城閉門青嶂合

坐聽百步飛鳴濤
史君攜客登燕子
月色著人如著水
筵前不設鼓與鐘
處處笛聲相應起
浮雲卷盡流金九
戲馬臺西山鬱蟠
杯中淥酒一時盡
衣上白露三更寒

與頓起孫勉泛舟

窓前堆梧桐牀下鳴
絡緯佳人尺書到
客子中夜喟朝來
一樽酒晤語聊自
慰秋蠅已無聲霜
蟹初有味當為壯
士飲一笑瀉肝胃
勿作兒女懷坐念
蟪蛄畏吾儕俱老
矣耿耿知我貴寧
能傍門戶短此十
丈氣蕭條歲行

暮迨集維霰未明朝出城南遺跡觀楚魏

遊戲馬臺書西軒壁兼簡顏長道

古寺長廊院院行此軒偏慰旅人情楚山西斷如迎客
汴水南來故逸城路失玉鉤芳草合林亡白鶴古泉清
淡遊何以娛庠老坐聽郊原琢磬聲

十月十五日觀月黃樓席上次韻

中秋天氣未應殊不用紅紗照坐隅山下白雲橫匹素
水中明月卧浮圖未成短棹還三峽已約輕舟泛五湖

為問登臨好風景
明年相憶使君無

月下與客飲酒杏花下

杏花飛簾散餘春
明月入戶尋幽人
褰衣步月踏花影
炯如流水涵青蘋
花間置酒清香發
爭挽長條落香雪
山城薄酒不堪飲
勸君且吸杯中月
洞簫聲斷月明中
惟憂月落酒杯空
明朝卷地春風惡
但見綠葉棲殘紅

送蜀人張師厚赴殿試

忘歸不覺鬢毛斑
好事鄉人尚往還
斷嶺不遮西望眼

思君直過楚王山

次韻答田國博部夫還

西郊黃土沒車輪
滿面風埃笑路人
已放役夫三萬指
從教積雨洗殘春

過淮贈景山兼寄子由

過淮山漸好
松檜亦蒼然
藹藹藏孤寺
泠泠出細泉
故人真吏隱
小檻倚巖偏
却望臨江市
東風語笑傳

端午徧遊諸寺得禪字

肩輿任所適遇勝亦留連焚香引幽步酌茗開淨筵微
雨止還作小窓幽更妍盆山不見日草木自蒼然忽登
最高塔眼界窮大千卞峯照城郭震澤浮雲天深沈既
可喜曠蕩亦所便幽尋未云畢墟落生晚煙歸來記所
歷耿耿清不眠道人亦未寢孤燈同夜禪

送劉寺丞赴餘姚

中和堂後石楠樹與君對牀聽夜雨玉笙哀怨不逢人
但見香煙橫碧縷謳吟思歸出無計坐想蟋蟀空房語

明朝開鎖放觀潮豪氣正與潮爭怒
銀山動地君不看
獨愛清幽生雪霧別來聚散如宿昔
城郭空存鶴飛去

和孫同年卞山龍洞禱晴

吳興連月雨釜甑生魚蛙往問卞山龍
曷不安厥家梯
空上巉絕俯視驚谿舂神井湧雲蓋陰
崖垂鮮花奔流
百道泉赴谷走羣蛇不知落何處隱隱
如縲車我來叩
石戶飛鼠翻白鴉寄語洞中龍睡味豈
不嘉雨師少弭
節雷鼓亦停撾積水得反壑稻苗出泥
沙看君擁黃綬

高卧放晚衙

與客遊道場何山

清溪到山盡飛路盤空小紅亭與白塔隱見喬木杪中
休得小庵孤絕寄雲表洞庭在北戶雲水天渺渺高堂
儼像設禪室各深窈奔泉何處來華屋過溪沿何山隔
幽谷去路清且悄長松度翠蔓絕壁掛啼鳥我友自杭
來尚歎所歷少明朝已陳迹清景墮空杳

與王郎昆仲及兒子邁遠城觀荷花登峴山亭

晚入飛英寺

昨夜雨鳴渠曉來風襲月蕭然欲秋意溪水清可吸環
城三十里處處皆佳絕蒲蓮浩如海時見舟一葉此間
真避世青莢低白髮相逢欲相問已逐驚鷗沒

清風定何物可愛不可名所至如君子草木有嘉聲我
行本無事孤舟任斜橫中流自偃仰適與風相迎舉杯
屬浩渺樂此兩無情歸來苔雪間雲水夜自明

吏民憐我懶關訟日已稀能為無事飲可作不夜歸復

尋飛英遊盡此一寸暉撞鐘履聲集顛倒雲山衣我來
無時節杖屨自推扉莫作使君看外似中已非

遊淨居寺

寺在光山縣南四十里大蘇之南小蘇之北
寺僧居仁為余言齊天保中僧思惠過此見
父老問其姓曰蘇氏又得二山名乃歎曰吾
師告我遇三蘇則住遂留結菴而父老竟無
有蓋山神也其後僧智覬見思于此山而得

法焉則世所謂惠大和尚智者大師是也唐
神龍中道岸禪師始建寺于其地廣明庾子之
亂寺廢于兵火至乾興中乃復而賜名曰梵天
云

十載遊名山自製山中衣願言畢婚嫁攜手老翠微不
悟俗緣在失身蹈危機刑名非夙學陷穽損積威遂恐
死生隔永與雲山違今日復何日芒鞋自輕飛稽首兩
足尊舉頭雙淚揮靈山會未散八部猶光輝願從二聖

往一洗千劫非裴回竹溪月空翠搖煙霏鐘聲自送客
出谷猶依依

定惠院寓居月夜偶出

幽人無事不出門偶逐東風轉良夜參差玉宇飛木末
繚繞香煙來月下江雲有態清自媚竹露無聲浩如瀉
已驚弱柳萬絲垂尚有殘梅一枝亞清詩獨吟還自和
白酒已盡誰能借自知醉耳愛松風會揀霜林結茅舍

春日詞

春雲陰陰雪欲落東風和冷驚羅幕漸看遠水綠生漪
未放小桃紅入萼佳人瘦盡雪膚肌眉斂春愁知為誰
深院無人剪刀響應將白紵作春衣

寒食雨

自我來黃州已過三寒食年年欲惜春春去不容惜今
年又苦雨兩月秋蕭瑟卧聞海棠花泥汙臙脂雪春江
欲入戶雨勢來不已小屋如漁舟濛濛水雲裏空庖煮
寒菜破竈燒濕葦那知是寒食死灰吹不起

別子由

先君昔愛洛城居我今亦過嵩山麓水南卜宅吾豈敢
試向伊川買脩竹又聞緱山好泉眼傍市穿林瀉冰玉
遙想茅軒照水開兩翁相對清如鵠

過建昌李野夫公擇故居

彭蠡東北源廬阜西南麓何人修水上種此一雙玉思
之不可見破宅餘脩竹四隣戒莫犯十畝森似束我來
仲夏初解籜呈新綠幽鳥向我鳴野人留我宿裴回不

忍去微月掛喬木遙想他年歸解組巾一幅對牀老兄
弟夜雨鳴竹屋卧聽隣寺鐘書窓耿殘燭

次韻杭人裴維甫

餘杭門外葉飛秋尚記居人挽去舟一別臨平山下路
五年雲夢澤南州淒涼楚夢緣吾發邂逅秦淮為子留
寄謝西湖舊風月故應時許夢中遊

同王勝之遊蔣山

到郡席不煖居民空惘然好山無十里遺恨恐他年欲

欸南朝寺同登北郭船
朱門收畫戟紺宇出青蓮
夾路蒼髯古迎人翠麓偏
龍腰蟠故國鳥爪寄層巔
竹杪飛華屋松根泣細泉
峯多巧障日江遠欲浮天
畧約橫秋水浮屠插暮煙
歸來踏人影雲細月娟娟

贈王寂

與君暫別不須嗟
俯仰歸來鬢未華
記取江南煙雨裏
青山斷處是君家

次韻王定國得穎倅

泊泊四海我知津每愧先生植杖芸自少多言晚聞道
從今閉口不論文灑翻白獸樽中酒歸煮青泥坊底芹
要識老僧無盡處牀前蟻鬪不曾聞

次韻王震

攜文過我治平間霧豹當時始一斑聞道吹噓借餘論
故教流落得生還清篇帶月來霜夜妙語先春發病顏
詩酒暮年猶足用竹林高會許時攀

送戴蒙赴成都玉局觀將老焉

拾遺被酒行歌處野梅官柳西郊路聞道華陽版籍中
至今尚有城南杜我欲歸尋萬里橋水花風葉暮蕭蕭
芋魁徑尺誰能盡檜木三年已足燒百歲風狂定何有
羨君今作我眉叟從未家生執戟郎也應世出埋輪守
莫欺老病未歸身玉局他年第幾人會待子猷清興發
還須雪夜去尋君

郭熙畫秋山平遠

玉堂畫掩春日閒中有郭熙畫春山鳴鳩乳燕初睡起

白波青嶂非人間
離離短幅開平遠
漠漠疎林寄秋晚
恰似江南送客時
中流回頭望雲巘
伊川佚老鬢如霜
卧看秋山思洛陽
為君紙尾作行草
炳如嵩洛浮秋光
我從公遊如一日
不覺青山映黃髮
為畫龍門八節灘
待向伊川買泉石

次韻黃魯直畫馬

少年鞍馬勤遠行
卧聞齟草風雨聲
見此忽思短策橫
十年髀肉磨欲透
那更陪君作詩瘦
不如芋魁歸飯豆

門前欲嘶御史驄
詔恩三日休老翁
羨君懷中雙橘紅
上元侍飲樓上呈同列

淡月疎星遶建章
仙風吹下御爐香
侍臣鵠立通明殿
一朵紅雲捧玉皇

薄雪初消野未耕
賣薪買酒看升平
吾君勤儉倡優拙
自是豐年有笑聲

老病行追萬馬羣
九衢人散月紛紛
歸來一點殘星在
猶有傳柑遺細君

次韻穎叔觀燈

安西老守是禪僧到處應然無盡燈
永夜出遊從萬騎諸羌入看擁千層
便因行樂令投甲不用防秋更打水
振旅歸來還侍燕十分宣勸恐難勝

次韻王晉卿奉詔押高麗燕射

北苑傳呼陞楸郎東夷初識令君香
天山自可三箭取海國何勞一葦航
宣勸不辭金盃側醉歸爭看玉鞭長
錦囊詩草勤收拾莫遣鷄林得夜光

書晁說之考牧圖後

我昔在田間但知羊與牛
川平牛背穩如駕百斛舟
舟行無人岸自移我卧讀書牛不知
前有百尾羊相隨聽我鞭聲如鼓輦
澤中草木長草長病牛羊尋山跨坑谷
騰趲筋骨強煙簑雨笠長林下老去而
今空見畫世間馬耳射東風悔不長作
多牛翁

次王定國韻書丹元子寧極齋

仙人與吾輩寓迹同一塵
何曾五漿餽但有爭席人

那識都鑒天不留封倫誤落世網中俗物愁我身先生
忽扣戶夜呼祁孔賓便欲隨子去著書未絕麟願掛神
虎冠往卜飲馬鄰南遊苦不蚤儻及尊鱸新

立春日小集呈李端叔

白髮已十載青春無一堪不驚新歲換聊與故人談牛
健民聲喜鴉嬌雪意酣霏微不到地和暖要宜蠶歲月
斜川似風流曲水慙辛盤得青韭臘酒是黃柑歸卧燈
殘帳醒聞葉打庵須煩李居士重說後三三

定州次韻曾仲錫元日見寄

蕭索東風兩鬢華
年年幡勝剪宮花
愁聞塞曲吹蘆管
喜見春盤得蓼芽
吾國舊供雲澤米
君家新致雪坑茶
燕南異事真堪記
三寸黃柑擘永嘉

慈湖夾阻風

此生歸路愈茫然
無數青山水拍天
猶有小船來賣餅
喜聞墟落在山前

我行都是畫中詩
真有人家水半扉
千頃桑麻在船底

空餘石髮挂魚衣

卧看落月橫千丈起喚清風得半帆
且並水村欹側過人間何處不巉巖

秧馬歌

過廬陸見宣德郎致仕曾君安止所作禾譜文
既溫雅事亦詳寔惜其有所缺不譜農器也余
昔遊武昌見農夫皆騎秧馬以榆棗為腹欲
其滑以楸桐為背欲其輕腹如小舟昂其首

尾背如覆瓦以便髀雀躍于泥中繫束橐其
首以縛秧日行千畦較之偃僂而作者勞逸相絕
矣史記禹乘四載泥行乘橈解者曰橈形如
箕槩行泥上豈秧馬之類乎作秧馬歌一首附
于禾譜之末云

春雲濛濛雨淒淒春秧欲老翠剡齊嗟我婦子行水泥
朝分一隴暮千畦腰如筍篴首啄雞筋煩骨殆聲酸嘶
我有桐馬手自提頭尻軒昂腹脇低背如覆瓦去角圭

以我兩足為四蹄聳涌滑汰如鳧鷖纖纖束藁亦可齎
何用繁纓與月題謁從畦東走畦西山城欲閉聞鼓輦
忽作的盧躍檀溪歸來掛壁從高棲子無芻秣饑不啼
少壯騎汝逮老鰲何曾蹶軼方顛擠錦韉公子朝金閨
笑我一生蹋牛犁不知自有木駃騠

鬱孤臺

八境見圖畫鬱孤如舊遊山為翠浪涌水作玉虹流日
麗崆峒曉風寒章貢秋丹青未變葉鱗甲欲生洲嵐氣

昏城樹灘聲入市樓煙雲侵嶺路草木半炎州故國千
峯外南臺十日留他年三宿處準擬繫歸舟

峽山寺

天開清遠峽地轉凝碧灣我行無遲速攝衣步孱顏山
僧本幽獨乞食況未還雲碓水自舂松門風為關石泉
解娛客琴筑鳴空山林空不可見霧雨霾雲鬢

荔枝歎

十里一置飛塵灰五里一候兵火催顛坑仆谷相枕藉

知是荔枝千騎來飛車跨山鵲橫海風枝露葉如新採
宮中美人一破顏驚塵濺血流千載永元荔枝來交州
天寶歲貢取之浩至今欲食林甫肉無人舉觴酬伯游
我願天公憐赤子莫生尤物為瘡痂君不見武夷溪邊
金粟芽前丁後蔡相籠加爭新買寵各出意今年鬪品
充官茶吾君所乏豈此物致養口體何陋耶洛陽相君
忠孝家可憐亦進姚黃花

新年

曉雨暗人日春愁連上元水生挑菜渚煙濕落梅村小
市人歸盡孤舟鶴跼翻猶堪慰寂寞漁火亂黃昏

北渚集羣鷺新年何所之盡歸喬木寺分占結巢枝生
物會有役謀身各及時何當禁畢弋看引雪衣兒

海國空自暖春山無限青冰花結瘴雨雪菌到江城更
待輕雷發先催凍笋生豐湖有藤菜似可敵蓴羹

小邑浮橋外青山石岸東茶槍燒後有麥浪水前空萬
戶不禁酒三年真識翁結茅來此住歲晚有誰同

荔子幾時熟花頭今已繁探春先揀樹買夏欲論園居
士常攜客參軍許扣門明年更有味懷抱帶諸孫

丙子重九

三年瘴海上越嶠真我家登山作重九蠻菊秋未花惟
有黃茱根堆壠生切衆蜒酒藥羣毒酣甜如梨櫨何以
侑一樽隣翁餽鼃蛇亦復強取醉歡謠雜悲嗟今年吁
惡歲僵仆如亂麻此會我雖健狂風卷朝霞使我如霜
月孤光挂天涯西湖不欲往暮樹號寒鴉

觀碁

五老峯前白鶴遺址長松蔭庭風日清美我時獨遊不
逢一士誰歟碁者戶外屨二不聞人聲時聞落子紋枰
坐對誰究此味空鉤意釣豈在魴鯉小兒近道剝啄信
指勝固欣然敗亦可喜優哉游哉聊復爾耳

庚辰歲人日作時聞黃河已復北流老臣舊數
論此今斯言乃驗

老去仍棲隔海村夢中時見作詩孫天涯已慣逢人日

歸路猶欣過鬼門三策已應思賈讓孤忠終未赦虞翻
典衣刺買河源米屈指新筍作上元

不用長愁挂月村檳榔生子竹生孫新窠語燕還窺幕
舊雨來人不到門春水蘆根看鶴立夕陽楓葉見鴉翻
此生何處非泡影莫認家山作本元

澄邁驛通潮閣二首

倦客遙聞歸路遙眼明飛閣俯長橋貪觀白鷺橫秋浦
不覺青林沒晚潮

餘生欲老海南村
帝遣巫陽招我魂
杳杳天低鵲沒處
青山一髮是中原

昔在九江與蘇伯固唱和其畧曰我夢扁舟浮
震澤雪浪橫空千頃白覺來滿眼是廬山倚
天無數開青壁蓋實夢也昨日又夢伯固手
持乳香嬰兒示余覺而思之蓋南華賜物也
豈復與伯固相見于此耶今得來書已在南
華相待數日矣感歎不已故先寄此詩

扁舟震澤定何時滿眼廬山覺又非春草池塘惠連夢
上林鴻鴈子卿歸水香知是曹谿口眼淨同看古佛衣
不向南華結香火此生何處是真依

余昔過嶺而南題詩龍泉鐘上今復過嶺而北
次其韻

秋風卷黃落朝雨洗綠淨人貪歸路好節近中原正下
嶺獨徐行艱危倍老成遙知叔孫子已致魯諸生

留題顯聖寺

渺渺疎林集晚鴉孤村煙火梵王家居人自種千頭橘
遠客來尋百結花浮石已乾霜後水焦坑閒試雨前茶
祇疑歸夢西南去翠竹江村繚白沙

雷州雜詩

白髮坐鉤黨南遷瀕海洲灌園以糊口身自雜蒼頭
離落秋暑中碧花蔓牽牛誰知把鋤人舊日東陵侯
荔子無幾何黃柑遽如許遷臣不惜日恣意移寒暑
層巢俯雲木信美非吾土草芳自有時鵲鳩何關汝

下居近流水小巢依嶺岑終日數椽間但聞鳥遺音爐
香入幽夢海月明孤斟鷓鴣一枝足所恨非故林

培塿無松柏駕言此焉遊讀書與意會却掃可忘憂尺
蠅以時屈其伸亦非求得歸良不惡未歸且淹留

粵嶺風俗殊有疾時勿藥東帶趨房祀用史巫紛若絃
歌薦藹栗奴至洽觴酌呻吟殊未央更把鷄骨灼

海康臘已酉不論冬孟仲殺牛撾鼓祭城郭為傾動雖
非堯頌厯自我先人用苦笑荆楚人嘉平臘雲夢

舊時日南郡野女出成羣此去尚應遠東風已如雲出
岷託絲布相就通慇懃可憐秋胡子不遇卓文君

和公濟飲湖上

昨夜醉歸還獨寢曉來宿雨鳴孤枕扁舟小棹截湖來
正見青山駁雲錦須知老人興不淺莫學公榮無與飲
與君歌鼓樂豐年喚收千夫食陳廩

過海

參橫斗落轉三更苦雨終風也解晴雲散月明誰點綴

天容海色本澄清
空餘魯叟乘桴意
無復軒皇奏樂聲
九死南荒吾不恨
茲遊奇絕冠平生

送范德孺

漸覺東風料峭寒
青蒿黃韭試春盤
遙想慶州千嶂裏
暮雲衰草雪漫漫

寒具

纖手搓來玉數尋
碧油輕蘸嫩黃深
夜來春睡濃于酒
壓褊佳人纏臂金

雨夜宿淨行院

芒屨不踏利名場一葉輕舟寄渺茫
林下對牀聽夜雨靜無燈火照淒涼

夢中絕句

秋樹高花欲插天暖風遲日共茫然
落英滿地君方見惆悵春光又一年

藏春塢

朱閣前頭露井多碧桃枝下美人過
寒泉未必能如此

奈有銀牀素綆何

轆轤歌

新繫青絲百尺繩
心在君家轆轤上
我心皎潔君不知
轆轤一轉一惆悵
何處春風吹曉幕
江南綠水通珠閣
美人二八顏如花
泣向花前畏花落
臨春風聽春鳥別
時多見時少
愁人一夜不得眠
瑤井玉繩相對曉

還舊居和夢歸惠州白鶴山

痿人常念起
夫我豈忘歸
不敢夢故山
恐興墳墓悲
鷺

城亦何有偶捨鶴毳遺窮魚守故沼聚沫猶相依夢與
鄰翁言憫默憐我哀往來付造物未用相招麾

讀開元天寶遺事

姚宋亡來事事興一官銖重萬人輕朔方老將風流在
不取西番石堡城

潭裏春船百倍多廣陵銅器越溪羅三郎官爵如泥土
爭唱弘農得寶歌

琵琶絃色滾梁州羯鼓聲高舞臂鞦破費八姨三百萬

大唐天子要纏頭

石倉歷代詩選卷一百五十